

جَزِينَةُ حَاكِمَتِ

جمعه ایرتسی

نومرو	شوال	سنه	شباط	سنه	صحیفه
۱۰۷۰	۲۴	۱۳۱۷	۱۲	۱۳۱۵	۱۵۴۳۷

(امشب غزته بهر هفته جمعه ایرتسی کونلری بیقرار . نه لکی در سعادت ایچونه مجیدیه بکرمی غروسه)
 (مسایله التمه غروسدر . طره لر ایچونه اونه بسه غروسه یوسه اجرتی ضم اولنور . بهر)
 (نسخسی نه مجیدیه بکرمی غروسه اولوه اوزره یوزیاره به هریده صابور . درج اوله جهه اعلاماتک)
 (هر برنده بر مجیدیه اخذ اولنور . نه لکنه مشتری اولوه استیاندل عدلیه نظارتی دایره سنده لائمه جریده)
 (محاکم اداره سنه مراجعت ایتملیبر .)

قصر غیرت سی

عددی ایله ویریلان اعلام منزه بور الیاس افندی طرفدن تمیز اولنمغله طرفینک اعتراض وجواب لایحه لرله بالمطالعه تدقیقات تمیزیه اجراسنه ابتدار اولندی

اعلام مذکورک خلاصه مالمی مومی الیه شاکر افندینک مورثنک برقطعه سند موجبجه مومی الیه الیاس افندی ذمتنده الهجفی اولان الیه لیرادن حصه ارثیه سی اولان بکرمی بش لیرانک تحصیلنه داتر عن الغیاب در سعادت بدایت محکمه سی برنجی

قیان دقیده کلبه سننده مقیم ریزه لی صاری احد اوغلی شاکر افندی ایله فاتح جوارنده عاشق پاشا محله سننده ساکن خطب تجارندن منلازاده الیاس افندی پیننده متکون دعویاه داتر در سعادت بدایت محکمه سی برنجی حقوق داتره سنندن ۲۱ حزیران سنه ۳۱۳ تاریخی و اوچوز اون درت

حقوق دائره سندن استحصال ايلديكي اعلام غيابي
 عليهنده مومي اليه الياس افندي طرفندن اعتراض
 على الحكم استدعاسى اعطا ومزبور سندك حاوى
 اولديغى اچيهي حال حياتنده دايں متوفايه تسويه
 ايدرك ذمتى ابرا ايلديكىن وجبه واحده ديني
 اولديغى عند المحاكمه بيان ايلسى اوزرينه وجاهاً
 جريان ايدن محاكمه وتدقيقات نتيجهنده معترض
 عليه شاكر افندي به توجه ايدن يمى اولبابده كي
 قرارك تميزندن صكره تكليف ايدجكنى معترض
 الياس افندي بالبيان مجاوبه دن امتناع ايله محاكمه دن
 چكلمش ومعترض عليه شاكر افندي دخى اعتراض
 استدعاسنك ردينى طلب ايتمش وبوايسه اصول
 محاكمه حقوقيه قانوننك يوز اللى طقوزنجي
 ماده سنه موافق بولنمش اولديغنه بناءً ماده
 مذكوره حكمنه توفيقاً اعتراض استدعاسنك
 ردينه حكمدن ومستدعى تميز الياس افدينك
 اشبو حكم عليهنده لايجه سنده محرر اعتراضنك
 خلاصه سى مبلغ مدعا بهي حال حياتنده دايں
 متوفايه تاديه ايدرك يدندن بر قطعه ابرا سندن
 المش ومرور زمانله سند مذكوري ضايع ايلمش
 وكيفيت ضياعى شهود شخصيه اقامه سييله اثباته
 حاضر بولنمش ايكن محكمه جه بوادعاسى بلا سبب
 قانونى رد ايلمش وديكر صورته ادله ارا القسزى

برنجى ماده سى حكمنه توفيقاً اعلام مذكورك
 نقضيله قانون مذكورك ايكوز قرق درنجي
 ماده سى حكمنه توفيقاً كيفيتك صور محرره
 دائره سنده اعلامه ربطى ضمننده محكمه مذكوره به
 اعاده سنه وز يرده مفرداتى مرقم اوچيوز طقسان
 سكرز بچق غروش مصارف تميزه نك ايلروده
 حتمسز چيقه جق طرفه رجوع ايتك اوزره
 اول مرده مستدعى مزبور الياس افديدن التمسنه
 ۲۴ ايلول سنه ۳۱۳ تاريخنده متفقاً قرار و بولدى .



قره مانده ساكن قيصر به لي زاده حاجى راشد
 افندي ايله خزينه جليله ماليه بيننده متكون
 دعوايه دائر قره مان بدایت محكمه سندن ۱۱
 تشرين ثانى سنه ۳۱۲ تاريخى واون بش عددى
 ايله ويريلان اعلام مومى اليه حاجى راشد
 طرفندن تميز ايدملكه باش مدعى عمومىلك
 مأموريت عليه سنك مطالعه نامه سى التذقدن
 صكره اعلام مذكور يالكز مستدعيناك لايحه
 اعتراضيه سييله بالمطالعه تدقيقات تميزيه اجراسنه
 ابتدار اولدى

اعلام مذكورك خلاصه مالى مومى اليه
 حاجى راشد افندي متوفى قيصر به لي امين افندي
 ذمتنده با اعلام محكوم به مطلوبى اولان طقوز
 بيك اوچيوز اون درت غروشك تا مین استيفاسى
 ضمننده متوفاي مومى اليه اموال غير منقوله سندن
 اولوب قره مان زراعت باقعه سى نامنه فروخت ايديلان
 باغچه نك بدلى بقيه سندن اوله رق قضاء مذكور
 اجرا دائره سنده محفوظ بولنان درتبيك كسور
 غروشى حجز ايلمش اولديغى حالده متوفاي
 مومى اليه مخدومى رضا افدينك اعشاره جهت
 كفالتندن طولايى بوزقير مال صندوقه ديونى
 اولديغندن بختله خزينه جليله جانندن مذكور
 درتبيك كسور غروش حقتنده فضولى مداخله
 ايدملكده اولديغندن مداخله واقعه نك منغى
 طلب ودعوى ايتمسنه قارشو مدعى عليه خزينه
 جليله وكلى سليمان افندي دخى كچه برمديونك
 بورجى ويرلديكجه متروكاتى وره سنه انتقال ايدنه
 ايسه ده اصل مديون مومى اليه امين افندي
 اوچيوز يدى سنه سندن وفات ايدوب بر سنه صكره
 مخدومى رضا افدينك بورجنه كفالت ايلديكى
 وبوزقير اعشاريله زراعت باقعه سندن استقراض
 ايلديكى مبالغ معلومه به مقابل پدرينك املاكى
 ترهين ايتديكى جهته املاك مذكوره به حقوق

خزینہ تعلق ایتمش واولوقت مجلس اداره
اعضاسی بولمق حسینہ مدعی مومی الیہ حاجی
راشد افدینک دخی بومعاملہ یہ جلہ ورثہ الیہ
برابر معلوماتی بولمقش ایکن مدعی مومی الیہک
طول مدت سکوت ایتمدن صکرہ کفیل
مومی الیہک بوزقیر اموالندن اولان بورجنہ
کوندرملک اوزرہ دائرہ اجراءہ موجود سالف
الذکر بیک بشیوز فروش حقنہ وضع حجزہ
قیام الیہ مطلوب خزینہک استیفاسی تعویضانہ
دوشرمسی قانوناً جائز اولہ میہ جغنی مدافعہ
درمیان ایلمی اوزرینہ اولبابدہ اجرا قلنن
محاکمہ و تدقیقات نتیجہ سنندہ وارث مومی الیہ رضا
افدی بوزقیر قضاسی اعشارینی التزام ایکن
ابراہیم افدی بہ کفالت ایدرک اوچیوز سکز
سنہ سنندہ مذکور باغچہ و املاک سائرہ بی ترہین
ایلدیکی ویرکو قلندہ موجود قیدی بالاسنندہ
محرر شرحندن اکلاشلش و اوچیوز اون
سنہ سنندہ زراعت بانقہ سنہ ترہین الیہ استقراض
ایلدیکی بشبیک غروشک تحصیل ضمنندہ املاک
مرہونہ دن سالف الذکر باغچہ زراعت بانقہ
کاتبی طرفندن و اوچیوز اون بر سنہ سنندہ خزینہ
جلیلہ نامہ بوزقیر مال مدیری طرفندن حجز
ایدیہرک مزایدہ یہ چیقارملق کبی جریان ایکن

رسمی معاملہ لہ قارشو مدعی مومی الیہ حاجی
راشد افدینک مدت مدیدہ سکوتی رضاسنہ
دلالت ایڈہ جکی کبی کفیل مومی الیہ رضا
افدینک ذکر اولنان اعشارہ کفالتی اوچیوز
سکز ومدعی حاجی راشد افدینک استحصال
ایلدیکی اعلام ایسہ اوچیوز اون تاریخندہ واقع
اولدینہ نظراً مومی الیہ رضا افدینک مذکور
اعشارہ حین کفالتندہ مدعی حاجی راشد افدینک
متوفی امین افدیندن ارادینی مبلغی ہنوز حکم
واعلامہ ربط ایتمدیرمدیکی وشو حال الیہ
مطلوبنک اولوقت دیون مثبتہ صرہ سنہ کچمدیکی
اکلاشلش اولسنہ بناءً خزینہ جلیلہ وکیلک
قیود رسمییہ مستند و موافق نفس الامر اولان
دفع مشروحو موججہ مدعینک رد ادعاسنہ و مبلغ
مزبور بیک بشیوز غروش اوزرینہ مدعی
طرفندن وضع ایدیلان حجزک فکنہ حکمدن
ومستدعی تمیز مومی الیہ حاجی راشد افدینک
اشبو حکم علیہندہ لایحہ سنندہ محرر خلاصہ
اعتراضاتی مطلوب مذکورک متوفی امین افدیندہ
اولدینی کبی مومی الیہک وفاتی اوچیوز یدی
سنہ سنندہ ایڈوکی و اوچیوز سکز سنہ سنندہ اوغلی
رضانک خزینہ جلیلہ یہ کفالت ایتمدیکی جہتلہ
کندوسنک حق متوفادہ و خزینہک حق ایسہ

اوغلی رضا افدی ذمتندہ اولدینہ کورہ خزینہ
الیہ حقوقاری اجتماع ایتیموب بشقہ بشقہ مطلوب
اولدینندن برینک ترجیحہ اصلاح بولمدینی
حالدہ محکمہ مذکورہ جہ ترجیحاً حکم اعطاسی
مغایر قانون اولدینندن بختلہ اعلام مذکورک
نقضی استدعاسندن ومطالعہ نامہ مذکور مندرجاتی
دخی دعوی واقعہک محاکمات و تدقیقاتہ نظراً
لایحہ تمیزیدہ درمیان اولنان اعتراضاتک موافق
قانون کوریلہ مدیکی بیاندن عبارت بولمشد

ایجابی لدی المذاکرہ اعلام مذکور مآلندن
منفہم اولدینہ کورہ مستدعی تمیز راشد افدی متوفای
مرقوم ذمتندہ کی مطلوبی حال حیاندن متوفای
مرقومدن طلب واستیفا ایڈہ بیلہ جکی کبی بعد الوفاہ
ترکہ سندن دخی استیفا ایڈہ بیلہ جکنہ و مرور زمان
حدینہ بالغ اولمذقہ دعوادہ وقوع بولان تأخرک رد
ادعاسنی موجب اولہ میہ جغنیہ ومدعا بہ اچہ دخی مدیون
مٹوفانک ترکہ سندن معدود اولسنہ کورہ مدعینک
مبلغ مذکور استیفای مطلوب بیچون حجزہ حق درکار
ایکن مدعینک وضع ایلدیکی حجزک فکنہ قرار
ویرلسی یولسزومغایر قانون اولدینندن اصول محاکمہ
حقوقیہ قانوننک ایکوز اتوز ایکنجی مادہ سی
موجبجہ اعلام مذکورک نقضیلہ قانون مذکورک
ایکوز قرق درنجی مادہ سی حکمنہ توفیقاً

کیفیتک قانون دائرہ سنندہ بالرؤیہ اعلامہ ربطی
ضمنندہ محکمہ مرقومہ یہ اعادہ سنہ وزیردہ مفرداتی
مرقم اوچیوز طقسان اوچ بچق غروش مصارف
تمیزینک بعدہ حقسنر چیقہ جق طرفہ رجوع
ایتمک اوزرہ اول امردہ مستدعی تمیز مومی الیہ
حاجی راشد افدیندن السنہ ۸ مایس سنہ ۳۱۳
تاریخندہ متفقاً قرار ویرلدی .

در سعادتدہ اصمہ التندہ یایس اوغلی خانندہ
مقیم تجاردن کورکیان اغوب الیہ صامسون ارمنی
محاسی متمکنلرندن انوق کنجیان پیندہ متحدت
دعویہ دائر جانیک بدایت محکمہ سندن اعطا اولنان
۲۹ شباط سنہ ۳۱۲ تاریخلی اعلام مرقوم اغوب
طرفندن تمیز ایلمکله اعلام مذکور طرفینک
اعتراض وجواب لایحہ لریلہ بالمطالعہ تدقیقات تمیز یہ
اجراسنہ ابتدار اولندی

اعلام مذکورک خلاصہ مالی مرقوم
انوق کنجیان مزبور کورکیان حاجی اغوب اغانک
بافرہ قصبہ سنندہ انشا ایتدیرمش اولدینی

مغازه لری ایچون کندوسنک اعمال ایلدیکی تیمور قبولرک بدلیله اجرت اعمالیه سندن مرقوم اغوب ذمتده ازغیر استیفا اله جنی اولان طقوز بیک ایکی یوز اوتوز اوچ غروشک اغای مرقومدن تحصیلنی طلب و دعوی و بر قطعه مفردات پوصله سی ابراز واعطا ایتمسه قارشو مدعی علیه اغوب اغا مبرز پوصله ده محرر معلوم المقدار تیمورک بهر قیه سنک اوتوز پاره اجرته اعمال ایدلمش اولدینی محرر ایسه ده بو خصوص حقنده مدعی مزبور ایله برکونه مقاوله مسبق اولدینی درمیان ایلمسی اوزرینه اجرا قلنان محاکمه و تدقیقات نتیجه سنده مدعی علیه اغوب اغا مدعینک اعمال ایلدیکی تیمورلرک بدلندن طولانی اخذینی اعتراف ایلدیکی مبالغدن بشقه کندوسنک فضلده مدفوفاتی اولدینی اثبات ایده جکنی بالمداغه درمیان ایتمش ایسه ده دفع واقع قول مجرددن عبارت بولمغله شایان قبول کورلماش اولدینندن ردیله مدعی مزبورک ارباب وقوف معرفتیه تقدیر قلندینی وجهله اعمال ایلدیکی تیمورلرک بهر قیه سنک اوتوز پاره والتمش عدد کبیر کلیدلرک اوتوز غروش و چنکلر و حلقه و قول تیمورلرینک کذلک بهر قیه سنک قرق بشر پاره ویزول دوگه لویسک بهر قیه سنک دخی تمدی غروش قیمت

واجر منلی بولدینی اگلاشایدیندن بونلرک حاصل یکونی اولان اوتوز بر بیک یتمش طقوز غروشدن مدعی انوق اغانک اخذ و قبضنی معترف اولدینی یکر می بر بیک سکنز یوز قرق اتی غروشک تنزیله مدعی مرقومک متبانی مطلوبی بولدینی تحق ایدن طقوز بیک ایکوز اوتوز اوچ غروشک مدعی علیهدن تحصیلیه مدعی به تسلیمه حکمدن و مستدعی تمیز اغوب اغانک اشبو حکم علیهنده لایحه سنده مندرج اعتراضاتنک باشلوجه سی عند الحاکمه فضلده تسلیماتی حقنده کی دفعی اوراق معتبره ابراز یله بر مهمل معین ظرفنده اثباته مقتدر بولدینی بیان و تذکار ایلمسی اوزرینه بو خصوص حقنده کندوسندن دلائل ثبوتیه ارانلمسی و اثباتدن اظهار عجز ایلدیکی تقدیرده خصمنک تحلیفی طرفه کیدلمسی امور لازمندن بولدینی حقنده محکمه جه بوجه مشروح اجرای تدقیقات ایدلمکسزین کندوسنک بر موجب ادعا محکومیتی جهته کیدلمسی یولسز و مغایر اصول و قانون بولمش اولدینندن بخله اعلام مذکورک نقضی استدعاسندن و مدعی علیهنک نتیجه جوابی دخی تمیز استدعاسنک ردیله اعلامک تصدیقی طلبندن عبارت بولمشدر
 ایجابی مذاکره اولندقه اعلام مذکور

مآلندن اگلاشایدینی اوزره مدعی علیه جابندن ادعا اولنان فضلده تسلیماتک مقداری سوال و تعیین ایتدیر یله رک یینه طلب اولنق و اثباتدن اظهار عجز ایلدیکی صورتده مدعی به یمن تکلیف یله بوجهت دخی قانون دائره سنده فصل و حکم ایدلمک لازم کلور ایکن فضلده تسلیمات ادعاسنک نظر دفته التماسی یولسز و مغایر اصول و قانون بولمش و مستدعی حاجی اغوب کورکیانک باشلوجه اعتراضی بوجهته متدائر اوله رق شایان قبول کورنمش اولدینندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک تفضیله قانون مذکورک ایکوز قرق دردیجی ماده سی حکمنه توفیقاً کیفیتک صورت مشروحه دائره سنده بالرؤیه اعلامه ربطی ضمننده محکمه مذکوریه اعاده سنه و زبرده مفرداتی مرقم اوچوز سکسان سکنز بچق غروش مصارف تمیزیه نک ایلروده حقسنز چقه جق طرفه رجوع ایتمک اوزره اول امرده مستدعی تمیزدن اخذینه ۸ تموز مایس سنه ۳۱۳ تاریخنده متفقاً قرار ویرلدی .

انطالیه نك جامع عتیق محله سنده ساکن اکمچی درویش اوغلی حمید اغا ایله خزینه جلیله مالیه بیننده متکون دعوایه دائر تکهدایت محکمه سندن ۲۵ کانون اول سنه ۳۱۱ تاریخی و طقسان یدی عددی ایله استینافاً ویریلان اعلامک خزینه جلیله نك محلی و کیلی علی افندی طرفدن تمیزی استدعا ایدلمکله باش مدعی عمومیلک مأموریت علیه سنک مطالعه نامه سی الندقدن صکره اعلام مذکور طرفینک اعتراض و جواب لایحه لریله بالمطالعه تدقیقات تمیزیه اجراسنه ایتدار اولندی

اعلام مذکورک خلاصه مالی مرقوم حمید اغانک طاش اخوری قریه سنک اوچوز اون سنه سی جوبات اعشاری اون درتیک بشیوز یکر می بش غروشه التزام ایلش اولدینی حالده سنه مذکوریه اغتوسنده کبیر اورماندن ظهور ایدن حریق سببیه حاصلات عشریه نك ترلارده بولنان محصولات میاننده محترق اولدینی جهته بدل مذکور دن خزینه جلیله نك حصه سی اولان اون ایکی بیک التیوز اوتوز غروش اون سکنز پاره نك ثلاثی اولان سکنز بیک درتیوز یکر می غروش اون ایکی پاره نك

تزیله و مزبور حمید اغانک بدل متباقی اولان
 درت بیک ایکی یوز اون غروش اون التی پاره
 ایله مطالب اولسنه دأر علاییه بدایت محکمه سندن
 ویریلان اعلام علیهنده خزینة جلیله وکیلی
 طرفندن اقامه اولنان استیناف دعواسی اوزرینه
 جریان ایدن محاکمات و تدیقات استینافیه نتیجه سنده
 خزینة جلیله وکیلی طرفندن انانی محاکمه استینافیه ده
 درمیان اولنان اعتراضات غیر وارد کوریلهرک
 استیناف استدعاسنک ردیله اصول محاکمه حقوقیه
 قانوننک یوز طقسان التیحی ماده سی موجبجه
 حکم ابتداینک تصدیقه حکمدن و مستدعی تمیز
 خزینة جلیله وکیلنک اشبو حکم علیهنده لایحه سنده
 محرر خلاصه اعتراضاتی محکمه ابتداییه جه
 محاکمه نک ختامی تفهیمدن صکره اسباب قانونیه یه
 مستند اولقسنزین محاکمه تکرار ایتدیرلمس
 وافاده و ادعای طرفین خارجنده کشف اجرا
 قلنهرق تفصیلاً ضبطه کچورلامش اولدینی کبی
 استماع اولنان شاهدلرک دخی مواجهه خصمه
 استجواب وذات شهادتلی حقنده تعریفات
 قانونیه دأره سنده حرکت اولنمدینی خالده محکمه
 استینافیه جه بوجهتارک نظر دقته التمسزین حکم
 ابتداینک تصدیقی جهته کیدلسی مخالف قانون
 اولدینی بیانیله اعلامک نقضی و لایحه جوابیه
 مندرجاتی دخی اعتراضات مسروده نک واهی و بی
 اساس ایدوکی بیانیله ردی و موافق اصول وقانون
 اولان اعلام مذکورک تصدیقی استدعاسندن
 و مطالعنامه مذکور مندرجاتی دخی امر محاکمه نک
 ختام بولدینی طرفینه تفهیم اولنماش و بو ایسه
 اصول محاکمه جه نواقصدن معدود بولنمش اولغله
 لایحه تمیزیه ده سرد ایدیلان اعتراضاتک موافق
 قانون اولدینی بیانندن عبارت بولنمشدر
 ایجابی لدی المذاکره اعلام مذکور مالندن
 منقهم اوزره خصوص مدعابه حقنده علاییه بدایت
 محکمه سندن ویریلان اعلام علیهنه خزینة وکیلنک
 استینافاً درمیان ایلدیکی اعتراضات فسخ حکمی
 موجب کوریله مدیکی بیانیله تصدیقه قرار
 ویرلمش ایسه ده اعلام ابتداینک عیناً و یا خود
 اصول محاکمه یه توفیقاً تنظیم اولنوب
 اولنمدینی اکلاشیله جق صورتده خلاصه اعلام
 تمیزیه درجی مقتضی اولدینی خالده بو صورتله
 درج اولنماش و اوراقی میسانده موجود اعلام
 ابتدائی مندرجاته نظراً خزینة نک حکم ابتدائی
 حقنده کی اعتراضاتی وارد و فسخ حکمی موجب
 اولغله استینافاً رؤیت دعوی ایدن تکه بدایت
 محکمه سنجیه اعتراضات مذکور نک فسخ حکمی
 موجب اولدینغه قرار ویرلمس یولسز و مغایر

قانون اولدینغه بناء اصول محاکمه حقوقیه
 قانوننک ایکوز اوتوز ایکنجی ماده سی موجبجه
 اعلام مذکورک نقضیه قانون مذکورک ایکوز
 قرق دردیجی ماده سی حکمنه توفیقاً کیفیتک
 قانون دأره سنده یکیدن بالرؤیه اعلامه ربطی
 ضمننده محکمه مرقومه یه اعاده سنه وزیرده
 مفرداتی مرقم اوچوز قرق سکز بچق غروش
 مصارف تمیزیه نک بعده حقسنز چیقه جق طرفه
 رجوع ایتک اوزره اول امرده مستدعی تمیز
 خزینة مشار الیهان التمسنه ۱۱ مارت سنه ۳۱۳
 تاریخنده متفقاً قرار ویرلدی .



پرزرین قصبه سنک الیاس قوفه محله سنده
 ساکن یاقوه لی عمر ایا ایله یاقوه نک حاجی یونس
 محله سنده مقیم مرتضی بن زینل پیننده متحدث
 دعویاه دأر پرزرین بدایت محکمه سندن تجارت
 صفی و ۱۰ نیشان سنه ۳۱۳ تاریخی والی عددی
 ایله صادر اولان اعلامک تمیزی مرقوم عمر ایا
 طرفندن استدعا ایدلکله اعلام مذکور یالکز
 مستدعینک اعتراض لایحه سیله بالمطالعه تدیقات
 تمیزیه اجراسنه ایتدار قلندی

اعلام مذکورک خلاصه مآلی مرقوم
 مرتضی کندوسنک مرقوم عمر ایا ذمتنده
 فروخت ایلدیکی روغن ساده و فاصولیه امانندن
 غیراز استیفا مطلوبی اولان ایکی بیک درتیوز
 التمش سکز بچق غروشک اغای مرقومدن
 تحصیلنی طلب و دعوی ایتسی و دعوت واقعه یه
 مرقوم عمر اغانک اجابت ایتامسی اوزرینه وکیل
 مسخر حضوریه عن الغیاب اجرا قلنان محاکمه
 و تدیقات نتیجه سنده مبلغ مدعابه ک ذمتنده دینی
 اولدینی مدعی علیه عمر اغانک خارجده اقراری
 وقوع بولدینی مرقوم مرتضی ادعا واقعه
 ولدی التزکیه عدالتلری تحقق ایدن شهودک
 شهادتلیله اثبات ایتمش اولدینندن مجله نک بیک
 سکز یوز اون سکزنجی ماده سی حکمنه توفیقاً
 مبلغ مذکورک رایجاً مرقوم عمر اغاندن تحصیلنه
 حکمدن و مستدعی تمیز عمر اغانک اشبو حکم
 علیهنده لایحه سنده محرر اعتراضاتک باشلوجه سی
 خارجده وقوع بولان اقراره شهادت اصول
 محاکمه حقوقیه قانوننده مصرح اولدینی اوزره
 غیر مسموع ایکن محکمه مذکورجه اولصورتله
 وقوع بولان اقراره وقوع بولان شهادته بنای حکم
 ایدلسی یولسز و مغایر اصول وقانون اولدینندن
 بحشله اعلام مذکورک نقضی استدعاسندن
 عبارتدر

ایجابی لدی المذاکره اعلام مذکور مآلندن
منفهم اولدینی اوزره حکم واقع خارجه وقوع
بولان اقراره شهادت مستند اولوب خارجه
وقوعبولان اقراره شهادت ایسه اصول محاکمه
حقوقیه قانونک ماده مخصوصه سنده مصرح
اولدینی اوزره قرینه مستند اولدقجه غیر مسموع
اولدینی حالده محکمه مذکورجه بوبابه برقرینه
استناد ایلامش اولسی یولسز و مغایر اصول
وقانون اولوب مستدعی تمیزک باشلوجه اعتراض
دخی بوجهته متعلق اوله رق شایان قبول اولدیغندن
اصول محاکمه حقوقیه قانونک ایکی یوز اوتوز
ایکینجی ماده سی موجبجه اعلام مذکورک تقضیه
قانون مذکورک ایکی یوز قرق دردنجی ماده سی
حکمنه توفیقاً کیفیتک بالرؤیه اعلامه ربطی ضمنده
محکمه مذکوریه اعاده سنه وزیرده مفرداتی مرقم
اوچوز سکسان سکز بچق غروش مصارف
تمیزیه نک ایبروده حقسنر چقه جق طرفه رجوع
ایتمک اوزره اول امرده مستدعی تمیز منبور
عمر اعدن النسنه ۱ تشرین اول سنه ۳۱۳ تاریخده
منفقاً قرار ویرلدی .

مفلس کوسه اوغلی ینا کینک ماصه سی
وکیللری کیغورق علكسانیان و یادکار اوغلی
پاولا کی افندیلر ایله فنارده کره مید محله سنده
نومروسز خانه ده مقیم کراسته جی پرودروموس
دیتمز یادیس بینده متکون دعوایه دائر ایکینجی
محکمه تجارتدن ۱۵ مایس سنه ۳۱۳ تاریخ یوز
یکرمی درت عددی ایله ویریلان اعلام سندک
منبوران کیغورق و پاولا کی افندیلر جانبدن تمیز
ایدلکه باش مدعی عمومیلک مأموریت علیه سنک
مطالعنامه سی الهرق اعلام مذکور طرفینک
اعتراض و جواب لایحه لرله بالمطالعه تدقیقات تمیزیه
اجراسنه ابتدار اولندی

اعلام مذکورک خلاصه مآلی منبور
پرودروموس افدینک ایکینجی محکمه تجارتیه
بالمراجعه افلاسنه حکم اولنمش اولان منبور
ینا کینک مالی ظنیله اسکدارده بلان اسکله سنده
موجود کراسته لری تحت تمپیره نندیغندن مفلس
منبورک ماصه سی وکیلی علكسانیان افدینک
جلیله موضوع مهرک فکی و کراسته لک طرفه
تسلیمی خصوصلرینک مع اجرای موقت
تحت حکمه النسی خصوصنی طلب ودعوی
وبرقطعه حجت شرعییه ابراز واعطا ایتمی

جهتله محکمه مذکورجه اجرا قلنان محاکمه
وتدقیقات نتیجه سنده تحت تمپیره النان مذکور
کراسته لک مدعی به عاندیتی تبین ایلدیکندن ماصه
وکیللری طرفندن وضع اولنان مهرک فکیله
مدعی به تسلیمه و اجرای موقت طلبنک ردینه
حکمدن و مستدعی تمیز ماصه وکیللرینک اشبو حکم
علیهنده کی اعتراضاتک باشلوجه سی دعوا ی واقعه
مفلس علیهنده اولدینی حالده انای محاکمه مدعی
عمومینک حاضر بولندیرلما سی مغایر قانون
اولدیغندن بحثله اعلامک تقضی و لایحه جوابیه
مؤداسی دخی اعتراضات مسروده نک غیر وارد
اولدینی بیانیه ردی و اعلام مذکورک تصدیقی
استدعاسنده و سالف الذکر مطالعه نامه مآلی دخی
دعوی مفلس علیهنده اولسیله محاکمه اناسنده
مدعی عمومینک حضوری قانوناً مقتضی ایکن
بوکا رعایت اولنما سی مغایر قانون اولدینی
بیانندن عبارتدر

ایجابی مذاکره اولدقده اعلام مذکور
مندرجاتندن منفهم اولدینی اوزره دعوا ی واقعه
مفلسه متعلق اولدینی جهتله انای محاکمه مدعی
عمومی حاضر بولندیرله رق مطالعه سنک استماع
قلمسی احکام قانونیه اقتضاسندن ایکن بوجهته
رعایت اولنما سی قانونه مغایر و مستدعینک

اعتراضیه مطالعه نامه مآلی وارد و موافق
نفس الامر اولدیغنه بناء اصول محاکمه حقوقیه
قانونک ایکوز اوتوز ایکینجی ماده سی موجبجه
اعلام مذکورک تقضیه و قانون مذکورک ایکوز
قرق دردنجی ماده سی حکمنه توفیقاً کیفیتک
مدعی عمومی حضور یله یکیدن رؤیتی ضمنده
محکمه مذکوریه اعاده سنه وزیرده مفرداتی محرر
اوچوز طقسان سکز بچق غروش مصارف
تمیزیه نک ایبروده حقسنر چقه جق طرفه رجوع
ایتمک اوزره اول امرده مستدعیلردن النسنه
۱۳ تشرین ثانی سنه ۳۱۳ تاریخده منفقاً قرار
ویرلدی .

قره حصار صاحب سنجاغنه تابع بولوادین
قضاسنک قره پیکار قریه سنده کائن ترکمن محله سی
اهالیسندن ریچبر کویلی اوغلی صالح و خلیل اوغلی
احمد و دیشکیچ اوغلی یونس اغالر ایله قریه
مذکورنک یوروک محله سی اهالیسندن دده
حسن افندی ینسلرنده متحدت دعوایه دائر
قره حصار صاحب بدایت محکمه سندن ۲ کانون اول

سنه ۳۱۲ تاريخي و يوز يدي عددی ايله استينافاً
صادر اولان اعلام مرقومون صالح و احمد و يونس
اغار طرفلرندن تميز ايدلمكده باش مدعی عموميلك
مأموريت عليه سنك مطالعه نامه سی التدفدن صكره
اعلام مذکور يالكز مستد عيلرك اعتراض
لايحه سيله بالمطالعه تدقيقات تميزيه اجراسنه ابتدار
اولندی

اعلام مذکورك خلاصه مألئ مرقوم
حسن دده قريه لری حيواناتك رعينه مخصوص
معلوم الحدود مرعایي قريه لرینك تركمن محله سی
اهالیسندن بولنان مرقومون صالح و احمد و يونس
سوكوب زراعت ايتمكده اولدق لرندن مداخله لرینك
منعی قريه مذكوره نامه طلب و دعوی ايتمی
و مدعی عليهم مرقومون دخی محل مذکور قريه
مرقومه حيواناتنه مرعا اوليوس بوز و خالی
بر محل اولغله كندیلرینك اراضی به اولان
احتیاجلری جهته طابو كتابتندن بالاشترا
درتیوز التمش بر دونم محله اولوجهله تصرف
ایدر اولدق لرینی مدافعه بیان و انبا ایللری
اوزرینه اولباده اجرا قلنان محاكمه و كشف
و تدقيقات نتیجه سنده مرعانك سالف الذکر
قره پیکار قريه سنك يوروك و تركمن محله لرینه

مخصوص اولدینی هیئت كشفیه جانبندن اعطا
قلنان راپور مندر جاتيله متحقق اولدیغندن محل
مذکورك هر ایکی محله اهالیسی طرفندن مشتركاً
تصرف اولنمسنه دائر بدياة ویریلان حكمك
اسباب قانونیه به منی استینافاً فسخیله یكیدن
اجرا قلنان محاكمه و كشف و تدقيقات نتیجه سنده
منازع فيه محلك قره پیکار قريه سی اهالیس لرینك
حيواناتنه مخصوص مرعا اولدینی اولباده کی
كشف راپوری ايله ثابت اولمش و اراضی قانونك
طقسان یدنجی ماده سی موجبجه بومقوله يالكز
بر قريه به مخصوص اولان مرعادن اول قريه
اهالیسی انتفاع ایده بیولورلر ایسه ده اهالیدن
بعضلری مرعی محلی سوكوب زراعت
ایده میه جككری و اخر صورتله ده تصرفده
بولنه میه جككری بدیهی بولمش اولغله مرقومون
صالح و احمد و يونسك مرعای مذكوره به
زراعت صورتیه وقوعبولان مداخله لرینك
منعیه قره پیکار قريه سنك كرك تركمن و كرك
يوروك محله لری اهالیسنك مشتركاً مذکور
مرعادن انتفاع ایتلرینه حكمدن واشبو حكم
علیهنده مستدعی تميز مرقومون صالح و احمد
و يونس اغارك باشلوجه اعتراضی قريه لری
اهالیسنك قوم محصور اولوب اولدق لرینك

تدقیق اولنماسی و ذی الیدلكك بالینه اثبات
ایدلامسی مخالف قانون اولدیغندن بخله اعلامك
نقضی استدعاسندن و انف الذکر مطالعه نامه مألئ
دخی محكمه مذكوره جه جریان ایدن محاكمه
و تدقيقات نتیجه سنده اتخاذ اولنان قراره نظراً
لايحه تميزیه ده در میان اولنان اعتراضات موافق
قانون کوريله مدیکی بیانندن عبارتدر

ایجابی لدی المذاکره اعلام مذکور
مندرجاتندن اكلاشلیدی اوزره حكمك مستند
ایهی اولان بدایت محكمه سی اعلامك عیناً
ویاخود مألئ اكلاشیله جق صورتده خلاصه
اعلام تميزیه درج ایدلسی لازم کورکن ایدلامش
اولدینی کی دعوی واقعه عقاره متعلق اولدینی
جهتله اول امرده توجه خصومت ایچون
ذی الیدلك مسئله سنك دخی بالینه احد طرفینه
اثبات ایتدیلسی ایجاب ایدرکن بوجهت قانونیه به
دخی رعایت اولنماش و محله مذكوره اهالیسنك
قوم محصور اولوب اولدق لرینك تدقیق ایدلامش
و انبای كشفده اقامه ایدیلان ارباب و قوفك
افاداتی سبب حكم اتخاذ قلنمش ایسه ده افادات
مذكوره نك مدار حكم اوله یلمسچون ارباب
و قوفك حضور محكمه به کلهرك محله جلیله به و دعوی

واقعه به موافق صورتده شهادت ایتلری و شهادت لری
محكمه جه اثبات مدعایه کافی کورلدیکی صورتده
دخی سرأ و علناً تزکیه لرینك اجراسی لازم کورکن
محكمه جه بوجهت لری نظر اعتنایه التمسین حکم
ایدلسی یولسز و مغایر قانون بولمش و مطالعه نامه
مألئ دخی موافق نفس الامر کوريله مامش
اولدیغندن اصول محاكمه حقوقیه قانونك ایتکوز
ایکی یوز اوتوز ایکنجی و ایکی یوز قرق برنجی
ماده لری موجبجه اعلام مذکورك تفضیله قانون
مزبورك ایکی یوز قرق دردیجی ماده سی حکمنه
توفیقاً کيفیتك صورت مشروحه دائره سنده
بالرؤیه اعلامه ربطی ضمنتده محكمه مذكوره به
اعاده سنه وزیرده مفرداتی مرهم درتیوز اوتوز
اوج بچق غروش مصارف تميزیه نك ایلروده
حقسنز چیقجه جق طرفه رجوع ایتك اوزره
اول امرده مستدعی تميزلردن النسنه ۱۱ ایلول
سنه ۳۱۳ تاریخنده متفقاً قرار ویرلدی .

اعلان

مأمور لرینک مرقومی دردست ایتمهکه مجبور
بولندقلری اعلان اولتور .

۳۰ کانونانی سنه ۳۱۵

اسیری بنت پترونک اقسرایده غرباحسن اغا
محلّهسنده واقع بوستانده مقیم نیقولی ولد واسیل
علینه اقامه ایلدیکی فک حجز دعواسندن طولانی
لاجل المحاکمه درسعادت بدایت محکمهسی برنجی
حقوق دأرهسندن مرقوم نیقولی به تبلیغ اولتمق
اوزره مباشری معرفتیه مذکور محلّه ارسال
وتسییر قلمش اولان ورقه دعوتیه زیرینه
مرقومک بوندن اون سکز سنه مقدم مذکور
بوستانده مستأجر صفتیه مقیم اولدیغی حالده
اولوقت ترک ایله چیقمش وزیه کیتدیکی مجهول
بولتمش اولدیغی مختار طرفندن وقوعبولان
تحشیدن مستبان اولهرق مدعیه مزبوره ایسه
مدعی علیک الیوم معین اقامتکاهی بولنماسندن
طولای غائب عدیله معامله قانونیه اجرایی

ازمیده تابع بانچهجک قریهلی چیچک اوغلی
دانیل مخدومی استپانه جبراً فعل شنیع اجرا
ایتدیکنی ادعا ایلسندن طولای مظنون علیه
اولوب درسعادت هیئت اتمامیهسندن جنایتله
حقتده اخذ وکرفت مذکرهسی ویرلمش اولان
اورته بویلی اجیق النلی بغدادی بکزی عادتاً
اغز و بروتلی مدور چکه الاکوزلی قومرال
صاج وقاشلی اون سکز یاشلرنده شیرین خچر
اوغلی بغوص الآن اله کچور یله مامش اولسندن
ناشی اصول محاکمات جزاییه قانونک اوچیوز
یتمش برنجی مادهسی موجبجه قانونه اطاعتله
محکمهیه کلمسی ایچون طرف ریاستدن مجدداً اون کون
مهل ویرلمش اولدیغندن مدت مذکوره ظرفنده
آبات وجود ایتدیکی حالده محاکمهسی غیاباً
بالاجرا حقوق مدنیهدن اسقاط واموالی حجز
ایدیله جکی وبوبابده مرقومک برکونا دعوی
اقامهسنه حتی اولهمیهجفی کی مرقومک بولندیغی
محلی بیلنر خبر ویرمهکه وبالجمله ضابطه وعدلیه

طلبنده بولنوب طلب واقع ایسه اصول محاکمه حقوقیه
قانونک یکرمی التجی مادهسنه موافق بولمسنه مبنی
ماده مذکوره حکمنه توفیقاً دعوی مذکوره نک
اشبو اوچیوز اون بش سنهسی شهر شباطک اون
یدیحی پنجشنبه کونی ساعت بش راده لرنده رویت
اولنهجفی یکیدن تنظیم قلمشان دعوتیه ورقهسی
محکمه دیوانخانهسنه تعلیق قلمش اولغله مرقوم
نیقولینک یوم ووقت مذکوره کلدیکی ویابروکیل
کوندرمدیکی صورتده معامله غیابیه اجر اقلنهجفی
اعلان اولتور .

۱۷ شوال سنه ۳۱۷

۵ شباط سنه ۳۱۵

سلیمان چاوش ومصطفی اسماعیل اغالارک
با اعلام نظامی مصطفی افندی ذمتنده محکوم به
الهجفی اولان مبالغک تأمین استیفاسی ایچون
حکماً محجوز بولنان ایون سلطانده باباحیدر محلّه
وجادهسنده واقع تخمیناً سکز یوز اون التی
آرشون عرصه اوزرینه مبنی برقاندن عبارت

حرم ووسلاملق اون بش اوطنی و تخمیناً بیک یدییوز
اوتوز آرشون بانچهبی حاوی قرق سکز نومرولی
برباب خانه مع بانچه نک سکز حصه اعتباریله
افندی مومی الیهک متصرف اولدیغی یدی
حصه نک اون بش کون صکره بالمزایده فروخته
تشیث اولنهجفی درسعادت اعلامات نظامیه اجرا
دأرهسندن اعلان اولتور .

۱۳ کانون اول سنه ۳۱۵

مادام صوفیه زلیقانک علی انور افندی ذمتنده
الهجفی اولان مبالغه مقابل مرهون وفروختی
محکوم بولنان ایاصوفیه کیرده یره بطلان محلّهسنده
شکل حامی جادهسنده تخمیناً اوچیوز آرشون
عرصه اوزرینه مبنی فوقانی و تحتانی یکرمی اوج
اوطه ودرت عدد محزن وایکی مطج وایکی یوز
قرق آرشون عرصه اوزرینه مبنی بر عدد اخور
وآرابه لوق و فوقنده اوج عدد اخشاب اوطه
وتخمیناً بشیوز سکسان ایکی آرشون بانچه
ومتعدد قیو ایله مشتملات سائره بی حاوی و سنوی

طقسان عدد عثمانلی لیراسی بدل ایجار کتوریر
یکرمی ایکی نومرولو کارکیر بر باب خانه مع
بانجه نك نصفی تاریخ اعلاندن اعتباراً اون بش
کون صکره بالمزایده فروخته تشبث اولنه جنی
در سعادت اعلامات نظامیه اجرا دائره سندن
اعلان اولتور .

۱۷ کانون نانی سنه ۳۱۵



امریقا دولتی تبعه سندن سرکز افندی م
مناسیانک تبعه دولت علیه دن بدروس اغا مناسیان
ذمتده محکمه تجارت اعلامیه اله جنی اولان
اچهنک تسویه سیچون با حجت شرعیه مرهون
و محجوز بولنان بک اوغلنده سروری محله سنده
امین جامع شریفی زقاغنده قرق بش نومرو ایله
مرقم اولوب فوقانی و تحتانی طقوز او طه و بر
مطبخ و برقیو و بر صهرنج و ارقه طرفنده بر مقدار
بانجه و مشتقات سائرینی حاوی سنوی اللی لیرا
ایجاره متحمل صرف ملک بر باب کارکیر خانه

بوندن اقدم موقع مزایده یه قونیه لهرق عثمانلی
لیراسی یوز غروش حسابیله اوتوز یدیدیک
غرو شده طالبی عهده سنده قالمش و تاریخ اعلاندن
اعتباراً اوتوز برکونه یعنی کله جک مارت رومینک
سکزنجی چهارشنبه کونی ساعت اون قدر یوزده
بش ضم قبول اولنمسی و ذکر اولنان یوم و ساعتده
صوک مزایده سی بالاجرا قرار قطیسی و یریلهرک
طالبی عهده سنه کچورلمسی مقرر بولنمش اولدیغندن
واندن صکره هر نه ضم و قوعبولور ایسه قبول
اولنیمه جغندن مذکور خانه یه یوزده بش ضمیمه
طالب اولانلرک ودها زیاده معلومات المق ایستیانلرک
بدل مزایده نك عشرینه مساوی پی اچهنه سیله
برابر مدت مرقومه نظر فنده محکمه تجارت اجرا
دائرة سنه مراجعت ایملری و یوم و وقت مزبورده
مذکور خانه پیشکاهنده حاضر بولنملری دائره
مذکورده دن اعلان اولتور .

۶ شباط سنه ۳۱۵



مطبعه عامره